

大寶積經

籍

第八十三

八十一
始三

47591

八



元祿九年丙子二月日重脩

皇圖聖圖 帝潛銀昌

佛日增輝 糖輪常轉

山城州天安寺法金剛院置

大寶積經卷第八十三

大唐三藏菩提流志奉

詔譯

始

無盡伏藏會第二十之一



如是我聞一時佛在王舍城耆闍崛山與大
比丘眾一千人俱皆悉成就殊勝功德能師
子吼菩薩摩訶薩五百人一切皆得陀羅尼
門辯才無礙證無生忍住不退轉具諸三昧
遊戲神通善知眾心行所趣其名曰日幢
菩薩月幢菩薩普光菩薩月王菩薩照高峯
菩薩毗盧遮那菩薩師子慧菩薩功德寶光
菩薩一切義成菩薩成就宿緣菩薩成就願
行菩薩空慧菩薩等心菩薩喜愛菩薩樂眾

菩薩戰勝菩薩慧行菩薩電得菩薩勝辯菩
薩師子吼菩薩妙言音菩薩能警覺菩薩巧
轉行菩薩寂滅行菩薩如是等菩薩摩訶薩
而爲上首復有釋提桓因四大天王娑婆世
界主梵天王及大威德諸天龍夜叉軋闍婆
阿脩羅迦樓羅緊那羅摩睺羅伽如是等無
量諸大衆俱念時電得菩薩見諸大衆寂然
清淨諸大龍象皆悉已集即從座起偏袒右
肩右膝著地合掌向佛白言世尊我有少疑
今欲諮問唯願如來見垂聽許念時世尊告
電得菩薩言如來應正等覺恣汝所問當爲
汝說電得菩薩白佛言世尊菩薩摩訶薩成

就何法能滿衆生一切所欲不爲諸過之所
染著隨其根性方便引導令彼衆生身壞命
終不墮惡趣決定當得證於平等處世無染
猶如蓮華不動法界遊諸佛刹常不離佛末
見色身任三解脫不入正位隨衆生欲嚴淨
佛土於刹那頃速能成就阿耨多羅三藐三菩

提介時電得菩薩摩訶薩即於佛前以偈問曰
無上人中尊 無邊知見者 安住於共法
利益諸世間 等心視衆生 爲世所依怙
示諸邪正道 令畢竟安樂 積集勝功德
猶如衆寶聚 世間智慧日 三界應供尊
願說最上乘 成就菩薩道 面相如滿月

具足奢摩他 開示寂靜法 能滅諸煩惱
願說菩薩行 饒益諸衆生 佛刹并壽命
色身與眷屬 三業及諸法 一切皆清淨
唯願如來說 清淨菩薩行 云何降伏魔
云何而說法 云何不忘失 唯願爲宣說
云何勇進者 遍入於生死 安住一相中
於法常無動 云何諸佛所 親近而供養
常觀佛色身 畢竟離諸相 雖證三解脫
如鳥飛空界 未具諸功德 終不入涅槃
知諸根性欲 隨順無所畏 亦不生染著
成熟彼衆生 先施世間樂 後令發淨心
具足殊勝智 證無上菩提 如是深妙義

唯願如來說

尔時世尊告電得菩薩摩訶薩言善哉善哉善男子乃能問佛如是之義利益安樂無量衆生攝受現在世間天人及未來世諸菩薩等是故電得應當諦聽善思念之當爲汝說電得菩薩言唯然世尊願樂欲聞佛告電得菩薩摩訶薩有五種伏藏大伏藏無盡伏藏遍無盡伏藏無邊伏藏菩薩具足如是伏藏永離貧窮即能成就如上所說殊勝功德以少功力速疾當得阿耨多羅三藐三菩提云何爲五所謂貪行伏藏嗔行伏藏癡行伏藏等分行伏藏諸法伏藏電得云何名爲菩薩

摩訶薩貪行伏藏謂諸衆生貪行相應顛倒
繫縛隨行諸相種種分別於色聲香味觸法
等諸境界中執著堅固耽樂昏迷菩薩於彼
諸衆生等種種心行應如實知彼諸衆生何
所樂欲於何境界染習增強具足成就何等
信解往昔曾種何等善根於何乘中當得發
趣所有善根久如成熟菩薩爲斷諸衆生等
一切欲故令彼善心當相續故審諦觀察而
爲療治電得當知衆生根行差別難識一切
聲聞辟支佛所不能知何況凡夫及諸外道
是故電得或有衆生雖著諸欲亦能成熟阿
耨多羅三藐三菩提或有衆生纔觸欲境或

以染心發於語言便得成熟無上明脫或有
衆生覩諸妙色心生欲染彼色變壞即便覺
知欲惱便息深念無常則能成熟無上明脫
或有衆生雖見女人不生貪著於後思念方
起染心想彼形容而生愛戀或有衆生於其
夢中見可意色心生貪著繫念追求或有衆
生聞女人聲便生貪愛有時暫見離貪染心
便得成熟無上明脫是故電得菩薩於是種
種貪病及以貪藥善巧了知而於法界無有
二相於此迷惑法界衆生起大悲心電得若
貪瞋癡若法界智無有少法而可得者菩薩
作是念言如我所見是諸衆生於此無相自

性空寂假名安立和合法中起於貪欲瞋恚
愚癡我當於此如實觀察為彼迷惑貪欲眾
生住於大悲成滿昔願不勤法界以無功用
智而成熟之若有丈夫於彼女人妄生淨想
起重貪染菩薩即便示現女身端正殊妙色
相具足珍寶瓔珞種種莊嚴猶如天女昔所
未見隨彼眾生令其愛著極貪戀已量彼堪
任方便拔其貪欲毒箭以自在力還變女身
現其人前而為說法令彼眾生通達法界便
沒不現若有女人於彼丈夫心生愛染菩薩
便為現丈夫身乃至拔其貪欲毒箭而為說
法令入法界便沒不現電得是諸貪行二万

一千及彼諸行八万四千菩薩無功用智出生無量億千法門開曉衆生悉令解脫而亦不念我爲衆生如是說法亦無衆生得解脫者電得辟如無熱龍王以業力故於其宮內出四大河爲諸衆生水陸住者夏時熱惱而作清涼潤澤花果滋實五穀令諸衆生安隱快樂而彼龍王不作是念我今令此河水流出已出當出然於四河常自汎滿爲衆生用菩薩亦復如是成就昔願以無功用智說四聖諦滅除一切生死熱惱普施人天聖解脫樂而是菩薩亦不念言我今說法已說當說任運住於大悲之心觀察衆生隨應說法復

次電得辟如帝釋有十二那由他諸天女等以彼帝釋自在力故現其多身令諸天女於彼欲樂皆得滿足各自念言我今獨與帝釋歡娛而是帝釋實無所染菩薩亦復如是於諸衆生應可度者隨其意樂而成熟之然是菩薩亦無染著復次電得辟如日輪出山峯時光明普遍照闇浮提所照之處青黃赤白種種形色皆悉顯現而彼日輪五色一光無差別相菩薩亦復如是智慧日輪照於法界出彼衆生執著山峯所緣一相隨其意樂而爲說法然於法界無有二相電得是名菩薩摩訶薩貪行伏藏菩薩證得此伏藏已或於一

劫或過一劫隨諸衆生種種意樂現無量身
以種種言詞而爲說法然於法界亦無二相
復次電得譬如真金由工巧力隨意所作種
種瓔珞莊嚴之具其相各異而彼金性無有
差別菩薩亦復如是善觀法界隨諸衆生種
種意樂現無量身以種種言詞而爲說法然
於法界亦無二相是爲常入法界一相菩薩
獲得如是伏藏能爲衆生種種說法彼聞法
已具足富有無盡聖財生死貧窮悉皆永斷
復次電得云何名爲菩薩摩訶薩瞋行伏藏
謂諸衆生驕慢相應計我我所任自他相從
久遠來不修慈忍瞋恚熱惱自壞其心於佛

法僧不生憶念瞋毒所覆迷惑於法菩薩於
彼多瞋衆生終不起於損害傷惱唯作是念
奇哉衆生愚癡迷惑乃於諸法本性寂靜無
垢濁無和合無違諍遠離法中顛倒相應妄
生瞋恨如是念已任大悲心常自懇惻設有
支解其身分者爲欲調伏瞋行衆生安住忍
辱若彼無量瞋行衆生互相違背心懷恚恨
是業成已當墮毒虵惡趣之中任忍菩薩以
慈念力化此衆生能令不受惡趣之報決定
當得證於平等是名菩薩善巧方便滅除衆
生瞋恚之行復次電得菩薩若見瞋惱衆生
作是念言一切諸法本性清淨此諸衆生隨

相而行妄生分別於此平等無違法中而起
瞋心彼諸衆生於法界性不能了知若此衆
生見法性者終不於他而生忿害以不了知
法界本性是故生瞋菩薩於彼多瞋衆生陪
增慈愍住於大悲成滿昔願以無功用智爲
壞衆生瞋恚行故開示演說種種法門而亦
不念我爲衆生除瞋說法何以故菩薩善觀
法界相故是爲菩薩安住法界無差別相滅
煩惱行電得辟如不除黑闇得現光明亦非
無能除黑闇者如是黑闇及光明性皆如虛
空無有差別菩薩亦復如是依此法界無差
別智善巧說法摧滅種種瞋行衆生不於法

界而作差別雷得霹如日輪所出光明隨所
照處皆日輪攝菩薩亦復如是為欲調伏滅
除瞋行所有言說皆是法輪不於法界而作
差別如是瞋行二万一千及彼諸行八万四
千菩薩成就無功用智隨彼衆生種種瞋行
而為說法不作是念我為衆生今現說法已
說當說是名菩薩摩訶薩瞋行伏藏菩薩證
得此伏藏已若於一劫若過一劫隨諸衆生
種種意樂以種種文字語言方便演說不能
得其瞋行邊際而是菩薩智慧辯才亦不可
盡是名菩薩善說法界無差別相獲得如是
瞋行伏藏復次雷得去何名為菩薩摩訶薩


癡行伏藏電得諸菩薩等如是之行甚為難
事謂諸衆生隨惑行者惱害他者無明胎虜
所纏裹者如蚕處繭自繫縛者於法界中無
方便者不善觀察所應行者著我見者行邪
道者住鈍行者難出離者為如是等迷惑衆
生從初發心起大加行不生疲苦亦無懈怠
如是思惟應以何緣何等勝解云何說法令
此衆生入菩薩行而得解脫菩薩往昔善觀
法界以無功用智住於大悲知彼衆生迷法
界已隨力所堪而為說法悉令調伏亦不念
言我今說法已說當說以彼往昔誓願力故
善觀緣起自然演出百千法門斷除衆生無

明業行令得解脫電得辟如良醫善療衆病
先善綜習醫方諸論纔見病相皆悉了知呪
藥所施無不除愈菩薩亦復如是善觀法界
以無功用智爲彼積集癡行衆生隨其根性
開亦演說百千法門悉令明了電得是名菩
薩摩訶薩癡行伏藏菩薩證得此伏藏已善
觀緣起爲如是等癡行衆生若於一劫若過
一劫隨其性欲以種種文字語言善巧演說
不能得其癡行邊際而是菩薩智慧辯才亦
不可盡是名菩薩於一切法無差別相善巧
宣說獲得如是癡行伏藏如是癡行二万
千及彼諸行八万四千菩薩爲斷如是行故

開示演說百千法門是名菩薩癡行伏藏復次
電得去何名爲菩薩摩訶薩等分行伏藏譬
如四面鏡輪清徹明淨無諸垢翳懸於四衢
所對色像皆於中現無有增減而此明鏡亦
不念言我能現此種種色像然善磨瑩此鏡
輪已一切諸相自然而現菩薩亦復如是法
界鏡輪善磨瑩已任無功用三昧隨諸衆生
心行差別開示演說百千法門悉令了知皆
得解脫不起法相及衆生相何以故菩薩善
觀法界相故於此四行相應衆生如實了知
隨其根性而爲說法而於法界及衆生界如
實觀察無有二相介所法界及衆生界明見

無二無差別故電得譬如虛空無有種種差別之相亦無建立菩薩亦復如是善觀法界了一切法入於一相亦由往昔誓願力故隨衆生行種種說法而於法界無有差別電得此等分行二万一千及彼諸行八万四千菩薩觀察悉皆明了譬如良醫知病投藥以無功用智種種說法是名菩薩摩訶薩等分行伏藏菩薩證得此伏藏已爲諸衆生若一劫若過一劫隨其志樂以種種言詞善巧宣說不能得其諸行邊際菩薩智慧辯才亦不可盡是名菩薩善說法界無差別相獲得如是等分行伏藏

不	徒	上	反	警
利	用	非	知	覺
出	反	下	皮	景
		正	也	音
	綜			汎
	習			滿
反	上			上
總	子			芳
也	宋			也
				反
	醫			懇
反	一			惻
	計			力
	磨			昌
	盤			磬
	下			殼
	紆			上
				鈍
				角



猪飼順良寄附

警覺景上音

反非皮也

上非正

徒困反

不利出綜習反

上子宋

反

醫一計磨瑩

反亦作穢

反下

鈍

正也

上

反

及中尺

反

上

汎滿

上

反

懇惻


力

反

聲

穀

上



猪飼順良壽附



